

鄧陽縣新志材料



邵陽縣政府訓令

令採訪局

為令飭遵辦事案查本政府呈報九月份工作成績情形一案奉陝西省政府指令第九二零六號內開呈件均悉查本署所列表奉令催編新志材料一節前據該縣專案呈報到府業經明白指令飭遵在案茲稱未奉原令應准補發一份仰即遵照從速辦理並參照本政府歷月公報所載之各縣新志材料程式趕速搜編繕具二份刻日齎府以憑核轉懸案以待毋得延誤切切摺存此令計抄補發訓令一件各等因奉此合函抄發原令仰該局遵照奉令內各事理趕速搜編繕具三份呈齎本府以憑存轉事關要政毋得玩延切切此令



計抄發原訓令一件

縣長陳祿

中華民國十七年十一月十一日

日

陝西省政府訓令第五百七十五號  
為令遵事案奉

總司令馮玉祥電開豫陝甘據黃河上游為吾國文明發源之地  
土廣物博徒以交通不便輶軒鮮聞各省府縣志書不獨卷帙  
繁多購携不易且年久未修與現在情形尤多不合茲擬續編  
新志記載最近事物以便羣衆瀏覽藉資觀感體例如下卷首  
述元以來革命史略附革命先烈小傳卷上一與地內分名稱

沿革面積疆界山脈河流池沼地質氣候古跡名勝等項(二)戶  
口內分歷代增減率現在確數性別職業生活流亡遷徙等項  
(三)物產內分動物植物礦物及其他各項(四)風俗內分禮俗習  
慣宗教等項(五)實業內分農工商鑛畜牧蠶桑森林水利及其  
他各項(六)教育內分各級學校狀況社會教育家庭教育私塾  
等項卷下(七)財政內分金融田賦稅收公債銀行等項(八)自治  
內分籌備情形已辦事項等項(九)交通內分郵政電政鐵道汽  
車路水運及其他事項(十)警政團防內分沿革現狀整頓情形  
等項(十一)社會事業內分勞工養老殘廢育幼濟貧救災醫院及  
其他事項(十二)關於訓政時期之一切新建設內分本年以前之  
建設本年度之新計劃以上各項凡過去者務求簡明現在者



縣長陳祿

中華民國十七年十一月

十

一

日

陝西省政府訓令第五百七十五號  
為令遵事案奉

總司令馮玉祥電開豫陝甘據黃河上游為吾國文明發源之地  
土廣物博徒以交通不便輶軒鮮聞各省府縣志書不獨卷帙  
繁多購携不易且年久未修與現在情形尤多不合茲擬續編  
新志記載最近事物以便羣眾瀏覽藉資觀感體例如下卷首

沿革面積疆界山脈河流池沼地質氣候古跡名勝等項(二)戶

口內分歷代增減率現在確數性別職業生活流亡遷徙等項  
(三)物產內分動物植物礦物及其他各項(四)風俗內分禮俗習  
慣宗教等項(五)實業內分農工商鑛畜牧蠶桑森林水利及其  
他各項(六)教育內分各級學校狀況社會教育家庭教育私塾  
等項(七)財政內分金融田賦稅收公債銀行等項(八)自治  
內分籌備情形已辦事項等項(九)交通內分郵政電政鐵道汽  
車路水運及其他事項(十)警政團防內分沿革現狀整頓情形  
等項(十一)社會事業內分勞工養老殘廢育幼濟貧救災醫院及  
其他事項(十二)關於訓政時期之一切新建設內分本年以前之  
建設本年度之新計劃以上各項凡過去者務求簡明現在者



務求詳確對於以後之設計務求能按此實施不可徒託空言  
仰於電到後迅即派員按照上列門類分別搜集陸續逕寄本  
部建設設計委員會彙收以便審核編纂仍將辦理情形摘要  
電覆等因奉此除分行外合行令仰該縣長即便遵照遵派專  
員從速搜集彙寄到府以憑轉費毋得延誤切切此令

主席宋哲元

中華民國十七年二月

十

邵陽新志材料緣起

邑之有志由來舊矣康對山之志武功韓五泉之志朝邑皆博  
大精賅膾炙人口其後孫酉峰續吾縣志亦復詳明可觀惜限  
於史例祇陳往迹前輩蕭愚亭先生有鄉土志之編傳者甚勤  
竊欣欣焉戊辰秋省府有採編新志材料之命搜輯改革以來  
先哲往規典章文物凡關於人生社會足資左證者余承縣府  
之命爰與范清丞諸同志編之輯之筆之削之既成同人憇付  
手民為序其緣起如此他日輜軒遣使足增邑乘之光圭臬畢  
陳定煥人文之盛則斯志也亦猶愚亭先生之意也夫編者識



編輯新志材料姓氏

邵陽縣縣長 陳祿湘軍人  
邵陽縣縣長 賈建章鳳縣人

編輯者採訪局局長 雷葆謙邑人

採訪員任 范誦芬

採訪員任 喬光華

採訪員任 屈蘊輝

採訪員任 者

邵陽新志材料

建元以來革命史略

辛亥夏歷九月一日陝軍起義次晚消息傳至邵高小校長  
蕭鍾秀暨全體教員會同勸學所所長張子釗等籌商保衛  
地方辦法邑宰涂嘉蔭吾陝循吏涂官俊之子當即推讓政  
權暫組保衛公所募壯丁編民團城防隊時省局粗定旅省  
各學生凡與於攻克滿城之役者亦次第回里依照委員政  
體公推楊介曹仁壽襄辦保衛事宜分任籌餉轉輸交際團  
防諸要務而仍以民事屬之涂令十月初奉邵督張鳳翔安  
民佈告并派經略使李天佐常名鄉耆邵收去清廷印信改  
保衛公所為保安公所防禦使李德三率大隊繼至人心漸



定十二月邑紳劉廷獻奉省檄權縣事勸捐使曹效彬團練使楊介曹仁壽各依次就職取消保安公所兼得孫總統就職南京之信地方秩序漸就教寧

民國五年討袁之役護國軍興邵陽蒲富實遙相響應糾合義旅卒成西北革命之功惟以交通不便至陰五月末得袁氏死亡之耗人心浮動時有退伍軍官趙翰卿等假使軍第一旅東路司令名義入據邑城大肆搜索搶劫而去為地方秩序破壞之第一次

六年復辟之役郭堅以奉令北伐為名在夏陽渡河沿路擄劫損失不可勝計七年徐老毛樊老二(即樊鍾秀)繼之民間搔擾愈甚靖國軍興高峰五乘邵城空虛假靖國軍名義於

陰八月十六日攻陷邑城姦劫燒殺一月有餘商民被害約計在四十萬元以上在邵兩月零二日聞晉軍奉命西渡始棄城夜遁是為邑城破壞之第二次為明季李自成以後未有之大劫

十年三月駐軍唐多山團長奉令西拔高峰五乘機攻下邑城時邵邑殘破之餘無可劫掠其紀律亦視七年為稍嚴然部下藉端滋事者仍在所不免為邑城破壞之第三次自此據邵者三年

十三年麻振武攻城未下時守軍為高部雷團知澄被圍高勢已去願改編并退駐坊鎮麻軍得以和平進城秩序尚未破壞



十四年國民軍起三月王雨亭姬滙伯兩團長由陝北來郿  
遂麻軍而據之時麻軍之司令部駐縣署除司令部及縣署  
被搶外商民秩序尚無恙惟招兵攻澄城時輓餉派款地方  
騷然西鄉尤甚八月何容星旅長連結麻軍又以接郿防為  
名分駐四鄉擾累不堪是為四鄉破壞之始  
十五年夏大旱鄉民聚眾數千人要求減支應雜款結果暫  
停地方各機關而散是年冬初高峰五又以自衛軍名義攻  
郿未克而去剽掠淫殺為各軍之最

十六年秋高軍與駐軍段部合作進據邑城未幾中變大肆  
搶掠而去耿部亦以奉令取郿為名逼駐附近時城內駐段  
師東北鄉駐王保民旅正東鄉駐趙桂棠張平侯兩旅東南

鄉駐王雨亭旅西南又駐高留守軍共六部約達二萬六千  
人以上郿陽駐軍複雜歷未嘗有四鄉破壞極矣

十七年夏曆七月耿段兩部受編開赴蒲城正東鄉一帶駐  
軍亦次第開拔十三軍倪玉聲軍長奉令接防縣長陳秉權  
亦同時蒞郿撫輯遺孑招徠流亡振興庶政於是地方秩序  
始完全恢復而民衆亦有更生之望矣

### 附革命人物及先烈小傳

楊元貞字仲庸慕賢莊人由陝西陸軍小學畢業升入陝甘  
川新四省陸軍中學辛亥秋革命軍起挺身從張都督每戰  
身先士卒竟奏克復之功旋以臨時都府會議擬戡定東路  
諸縣須先扼守潼關君即偕錢定三余龍勳諸同志東行至



渭南時土匪猖獗君押運軍火過多糾眾攔劫君奮前救護雖眾寡不敵猶隻身搏戰數小時力盡遇害嗣呈准中央給卹金三次

蕭榮綬字錫丞邑南鄉高池村人清末由廩生考入宏道高等學堂與先烈井勿幕為莫逆交素懷大志先後充榆林同州中學教員時鼓吹革命尤力辛亥冬秦軍分政府委署潼關廳暨同州府事兼東路營務處旋改潼關釐稅局局長商民口碑至今不絕民國元年充西北大學教授白狼之亂君以歷史地理之眼光觀察慮其必由商雒入陝及商雒戰起謀棄者且以此為通敵之證欲陷害之君遂與楊季石劉蓋丞郭海樓等秘密組織護國軍五年又投身靖國軍討陳為

陳賄買之賈福堂所誘被執遇害時民國七年十一月也陝于總司令呈報南軍政府追贈上校銜楊介字季石邑西南鄉秦城村人清末由陝西省立蠶桑專門學校畢業辛亥之役挺身從戎荷戈臨陣卒竟其功事定歸里籌辦保衛公所內政外交條理井然繼充團練使勦撫兼施匪風稍戢其時樊老二擁眾橫行盤據東鄉一帶君相機誘捕幾獲者數矣均以勢絀不果共和告成解甲歸田被選為第一屆省議會議員討袁護國軍討陳之靖國軍君與蕭錫丞諸同志均與有力焉後因公出關遇樊老二部隊因挾前嫌竟為所戕識者惜之

劉廷獻改名劉遺字蓋丞肄業西安高等學堂旋就耀縣高



等小學教員辛亥冬君由耀州回省被任為民政司清理財政股主任旋以郟事未定奉委為郟陽縣知事討袁之役與蕭楊諸同志組織陝西護國軍後以從軍日久積勞病故范序鏞字聲初邑南鄉范家窪人少穎悟力學工顏氏真草書以家貧輟業嘗從族人第一屆參議院議員范樵及眾議院議員郭滋焦子靜遊南北各省因與先烈井勿幕締交從事革命護國軍之役君嘗日夜行三百里憤陝軍多土匪式為根本肅清計投身靖國軍充國民二軍第三師騎兵旅騎兵營營長駐防二華以勦匪得力加勦匪司令銜卒以約束部下過嚴為部下所戕歿後華人追念勦匪之功留葬華山麓玉泉院農民老幼哭送三四十里云

雷震和字時若邑東北鄉岔峪口人少讀書至岳武穆武將不惜死之語輒太息曰是何難哉在學校時聞講演種族之義遂起革命思想由高小畢業即投入軍界第六協十一標三營排長累戰身先士卒衝鋒陷陣擢連長記名營長岐山之役孤身冒險薄城下中彈歿追贈少校銜王定邦字丙初自入高小以來即傾心革命學理畢業後民元即投身軍界由秦軍六旅三營排長積功陞連長討袁之役以敢戰名為胡笠僧所賞識郝法兒者朝邑之巨匪也君計殲之遂為其餘孽所戕歿之日駐防澄城士民莫不哭送數里

曹效彬字文丞肄業於宏道高等學堂光緒甲辰選送南北



洋政察教育遂遊歷全國與革命諸同志遙相聲應吾陵之  
得以豎革命之先幟者君之力也辛亥秋充東路都督府參  
謀大軍東征權靈寶縣事又攝洛川縣知事十五年署邵陽  
縣知事卸任歸家被匪戕害惜焉

地輿

名稱

邵陽縣

沿革

三代以前為古莘國其在傳籍可考者如縣娶有莘氏  
女夏啟以莘封支子伊尹耕莘湯妃及太姒故里皆是也惟  
耕莘故址在縣東北鄉莘村有伊尹墓乾隆丙申陝撫畢沅  
題碣記之墳前有御道東下可通黃河岸相傳即古莘國為  
元聖躬耕故址縣地多瘠磽而此方數里之地特沃亦異也  
邑人仰元聖之賢立廟祀焉至周太姒所生國則在高辛氏  
陵左南二里其地今為莘里村有冷水遺流詩稱鑽女惟莘  
又云在洽之陽即此地也村中有四聖母廟祀禹母湯妃太  
任太姒太任者蓋因太姒而追祀也邑中有三聖母廟三姑



祠甚多則徽太任而獨祀太妣也宋羅泌路史載古莘國有五郟東之莘里村東北之莘村或即其二歟合陽之稱始自戰國因潘峪党峪二水合流故曰洽流絕故曰合陽旋置邑遂改為郟陽史記魏世家文侯伐秦還築合陽其故址在今南義莊尚有舊坊秦內史邑縣五十六合陽曰邑漢初始置為縣史記高祖功臣年表高祖八年兄仲廢為合陽侯索隱郟陽屬馮翊前漢地理志左馮翊縣二十四有郟陽元和志陽者後漢初并郟陽入夏陽明帝永平二年復屬左馮翊魏文帝除左馮翊曰馮翊仍以郟陽屬晉因之魏書地形志郟陽屬馮翊後罷太和二十年屬州因孝文帝太和十一年于

馮翊郡置華州也西魏改馮翊為武鄉置武鄉郡以郟陽隸之隋文帝開皇初廢郡煬帝大業初復置馮翊郡領郟陽等八縣唐高祖武德三年析郟陽置河西縣八年隸西韓州時析韓城置西韓州太宗貞觀八年州廢還屬同州肅宗乾元三年更河西曰夏陽隸河中府後復宋屬五代梁時屬河中府唐明宗天成元年屬同州宋屬同州馮翊郡隸永興路神宗熙寧四年改夏陽為鎮入焉金宣宗禎祐三年并韓城為楨州以郟陽屬之元世祖至元六年廢楨州郟陽屬同州隸陝西行省奉元路明因之郟陽為同州五屬之一清雍正三年并同州為直隸州十三年并府郟陽為十屬之一民國建元廢府郟陽仍隸陝西行省舊縣治在夏陽遺跡猶存西魏



大統三年移今治左馮翊刺史王巖築城圍八里六分有奇  
歷代增修不一明崇禎八年邑令范志懋築四門副城為城  
闔名其東門曰雨粟南曰阜財西曰崇墉北曰歸極流寇之  
役深資保衛至清同治八年縣令陸塹以北枕崇岡之泰山  
廟守禦有關環築外城包廟入城內後狃亂守孤願資其力  
焉

面積 廣六十里袤七十里惟西北山至洛川接壤處廣三十  
里袤約五十里共計烏道面積五千一百方里

疆界 東界山西屬榮河縣之吳王渡五十里東南界朝邑屬  
之烏牛鎮五十里西南界澄城屬之寺前鎮五十五里西界  
澄城屬之柳池村三十里西北界洛川屬之黃龍山一百二

十里北至韓城縣屬之韓西橋三十里東北至韓城縣屬之  
後窰頭五十五里

山脈 縣北梁山迤邐最遠舊志稱其望之如屋梁故名左之  
方山韓山右之武帝山救郎山因地而異其名皆梁山之系  
也又沿河西岸之金鳳山明山天柱山福山蓮花山天馬山  
秦驛山皆溝中岡巒之起伏為一時高人賞咏而得名僅可  
列諸名勝不可謂之山舊志所載中部之乳羅山及界朝邑之  
鐵鏈山橫貫東西此乃爾雅所謂廣平曰原者亦不可謂之  
山乳羅山地中之石脈系東自太行山脈起由山西稷山滎  
河東來入縣境之南北順村迤西至北坂村逾金水溝過良  
石村西達西馬村經澄城白水西接耀州北橫亘全縣之石



脈惟西馬村百坂村礦苗露處稍可開採近年民窮財盡工  
廠停滯僅有伐石燒灰之居民倘有大規模之營業利用此  
石以作士敏土之原料其利正未有量耳

河流 除東境黃河為山陝之界西境大峪河為澄郃之界外  
境內河流有三東北曰百良河稍南者有徐水河西南曰金  
水河

百良河發源於韓西橋深澗中經二十里之遙透沙復出於  
柏瑞村為東南兩溝其水清冽異常又經百良溝約三十里  
至榆林渡入黃河

徐水河發源於梁山東谷東南流經橋頭河官道河共長四  
十五里至岔峪渡入黃河

金水河發源於梁山下乾河村左右東南流八十餘里過朝  
邑縣境烏牛鎮至剗峪河入黃河剗峪即春秋時之剗首也  
大峪河地屬澄城由西北山麻線嶺發源經大峪溝約七十  
里至西馬村又西南二十里入洛河

池沼 郃地雖無池沼而夏陽之漢各地所無亦湖沼之類也

按爾雅云漢大出尾下郭璞註云水口如車輪大而根源最  
深者名漢寰宇記漢水總名發源黃河西岸平地舊志云去  
河僅數武湧出地尺許民資灌溉詢之士人云漢水異於他  
泉堤築高至若干度則水湧至若干度蓋地濱河岸其源當  
出於黃河上游經地層內石沙之滬過故甘冽異常水源過  
高故能上井不若他泉之至水平線為止也清雷侍御學謙



修高兩丈餘灌田甚多至今食其利焉今按漢泉有六可用者四

王村漢在王村東數十武灌田五百餘畝

西鯉漢在莘里村東數十武灌田四百餘畝

東鯉漢在西鯉漢東數武清初已沒於河今其遺迹冬日猶可見

渤池漢在莘里村東北今與河近舊日可灌之田多沒於河  
熨斗漢在莘里村東北最小形似熨斗故名灌田僅二十餘畝  
夏陽漢最大舊在夏陽村東南亦名馬漢相傳跨馬巡渠有  
走馬澆朝邑之諺故名此漢今淪河中水源甚旺夏日登高  
望之南至朝邑澄碧一線民八年秋河水東傾舊址出現口

徑丈餘水如湯沸南流一渠寬約五丈惜其地皆沒於河矣  
地質 縣地純屬高原黃壤與白壤相間亦有赤壤及赤堊墳

不過百分之一大半皆洪水時代之冲積成層者因井泉深  
度普通皆三十至五十餘尋計構造地層井泉無此深度也  
黃河灘地及各溝渠細砂質與黃土相間北山一帶坡地則  
砂石片岩與紫色游砂混合而成惟中部橫貫東西之青石  
礦脈則係深藏地中為太古時代之火成岩縣北十餘里之  
叱家河產礪石西接山陽村之磨石溝亦皆深藏地中別為  
砂石岩與粘板岩相間

氣候 氣候溫和以東臨黃河可以調劑空氣不至有嚴寒劇  
熱也以華氏寒暑表驗之夏季最高九十度至九十七度不



等冬季最低三十度至四十度不等春季中度在四十五度至五十五度之間秋季中度在六十度至七十度之間全年東風最多至二百三十餘次西北風少惟冬季有之每年不過十分日之二東南西南風甚少全年不及十分日之一此乃十五六兩年所實驗者

古蹟 古高辛氏陵在縣東莘里村西亦名帝嚳塚歷代春秋致祭置陵夫一人後廢舊有墓碣清乾隆丙申陝撫畢沅重題墓碑

禹奠梁山處即縣北五十里之梁山山上有禹廟清康熙中康太乙募建夏陽舊縣治及乳羅山西峯露井鎮等處均有廟文北雷村黃河岸上亦有大禹廟高壘爽朗風景殊絕舊

志謂邵陽數禹廟惟此廟建築最先

古莘國前志云縣東南三十里夏后氏之後即今之莘里村也

梁國前志云縣東北伯益之後

元聖躬耕故址在今縣東北三十餘里之莘村有碑碣

商元聖墓亦在莘村有清初陸學使所書墓碣墓前有碑砌御道下通黃河岸

元聖祠舊在學宮南清康熙時移東街嘉慶十一年又移東街城守汛西邊今劃入教育局內南義莊及莘里村皆有祠南義莊之祠為元至正年間造

太姒故里在莘里村高辛氏陵畔有坊俗傳墓亦在此地恐



不確

彭衙城舊志在縣西北春秋文公二年秦晉戰於此  
韓山奕應侯廟在縣西北八十五里俗名救郎山即趙氏匿  
孤處後人祀之即麻線嶺大峪水發源處  
刳首坑舊志在縣東春秋文公七年晉伐秦戰於令狐敗之  
至此即縣東南金水入河處也

羈馬城舊志在縣東春秋文公十二年秦伯伐晉取此

子夏讀書洞一名子夏石室在莘里村東舊在河中之飛浮  
山後沒於河士人慕先賢遺迹於河岸改建清初河身西移  
又移建今處王山史徵君題其額曰西河師

卜夫子墓在縣東二十里之大原頭俗名卜子墓又訛呼跛

子墳水經注徐水出梁山東南經子夏陵北東入河即此每  
歲孟春婦女結伴來遊

卜夫子祠在縣治南街官池岸西河書院故址明知縣范志  
懋建

燕荆軻墓在縣東北百良鎮西紫金山有清撫畢沅題碑文  
曰燕荆軻墓墓旁有廟荆軻刺秦不中或云此地不應有墓  
舊志辨之云意當時民多怨秦快軻之舉憐而收之故葬於  
此

羊角哀左伯桃墓在荆軻廟西有廟

秦城舊志云秦始皇伐胡所築之城也

合陽城故址在縣東莘里村南魏文侯所築有坊



韓信城亦名韓信壘在縣東靈村信與魏豹對壘時所築木罌渡軍處在夏陽迤南各地

夏陽縣即今縣東夏陽舊郃陽縣治遺址

宮城故縣魏書地形志真君七年置宮城縣隸澄城郡亦名織錦城

石崇城在縣南二十里塗以赤石脂名赤城

漢武帝祠在梁山西峯今呼武帝山相傳漢武帝幸河東駐蹕於此孝昭時建

登仙臺在縣北二十里仙宮村武帝好神仙每歲祀汾陰時築此以駐蹕焉水經注徐水出梁山東南經武帝登仙臺即此

項宅墓在縣東北八里項村有墓碑

劉仲城在縣東二十里坊鎮北和陽村水經注徐水東南經劉仲城北即此史記高祖八年廢兄仲為合陽侯今和陽村北瀕徐水當為仲所居也又今縣治西堡崖村亦有劉仲故城漢烈女任季兒墓在縣東四十里莘里村有祠

長城嶺縣治南二十里一帶如長窪溝洫等村皆有故築故址東西屹然蓋後漢任尚防胡屯三輔戰壘遺址土人謂為秦築者誤

陽班湫在縣東南五十里廉莊村東崖下唐書貞觀四年出今湮

漢征西將軍墓舊志在莘里村土中順治後夫踪



唐宗室李確墓在縣東北三十里宮城村

唐衛國公李靖墓在縣東四十里南順村有祠

赤白咀在岔峪渡近處相傳為唐代遣使採藥處

單雄信墓在縣北舊志義賢里人雄信王世充將也

王百當故宅在縣西北韓家河山陽村有故操塲百當李

密將也

唐光祿大夫太子賓客爾朱達墓在縣西二十五里朱家河

有祠

宋太師雷德驤墓在縣東北三十里文王村

宋給諫安儼墓在縣西南三十五里乾字村

金宣撫楊業墓在縣西南五十里西馬村

元廣寧王耶律楚材墓在縣治西南三十里秦城村有廟

元高節岳景山讀書處在縣北橋頭河卧虎岡

岳景山墓在縣東北十五里王家原

明葉夫子祠一在縣治東北隅太清觀內一在城東南隅飛

雲寺內一在城東南十里大像寺內

明高節甯汝墓在縣北橋頭河二孝女墓附焉均有祠明甲

申之變八月東宮幸陝西至郃陽諸生甯汝為尚書時鑄子

以二女妻之東宮南下不返二女白首終身年各九十餘隨

葬父塋後人立祠祀之二女村焉

清尚書張文敬公大有墓在治城西北

清名儒康太乙墓在縣東三十里伏六村



三仁君祠在縣治西清康熙年建三仁君者邑令范志懋守備李國政西安司李秦鏡明末之亂保全邵民後人思其遺愛而立廟焉

鐘鼓樓在縣城中心明洪武七年建即縣署舊大門也  
岱岳廟在縣城北地勢高聳建於漢孝武中葉同治花門之變添築外城以便守禦近年大半毀於兵

光國寺建築壯麗唐勅封鄂國公尉遲敬德監修近年毀於兵者過半

壽聖寺明重修在光國寺北規模宏壯今改職業學校又四鄉有壽聖寺者凡八一在露井鎮西北宋建一在和陽村有殘碑載宋仁宗賜額王安石題名一在中蒙村係和陽村人

### 泰安寺在縣東北慕賢村

金水橋在百坂村西跨崖疊石車可方軌創始年月失考

羅山寺在乳羅山巔有大浮圖相傳亦唐建

普濟寺在縣南雷莊宋紹平四年修熙寧二年賜額壽聖又縣東南碁南村亦有普濟寺唐太和元年重修宋時自德豐鎮移來德豐鎮者秦驛山東之古驛也今淪入黃河矣  
大雲寺在縣南北党村舊曰阿那寺隋煬帝臨幸更名宋熙寧二年賜額壽聖

三義廟在普濟寺南范家窪村北新池村亦有三義廟明建撫濟橋即遇仙在縣東新池村明萬歷年間邑人車副使樸募修今圯



孫真人祠舊志在寇莊明萬曆年間建

興國寺在韓莊唐貞觀十八年建又莘里村北亦有興國寺元至正五年建今改設高小學校

真武廟在縣南黑池鎮明建

興教寺在蔡首村宋建

鳳凰臺在縣東南三十里舊志在南順村南

昭福寺在王村鎮元至正年建

光濟寺在夏陽村西山上宋元符年移修相傳達摩祖師建達摩偕弟子慧可訪般若多羅僧於梁山寺遊禹門過夏陽憩西坡上造塔為精舍即此有碑宋立焦離堡方輿紀要云在縣東二十五里

興隆寺在坊鎮東北宋建

延福寺在宋家莊明萬曆年改建

翊教寺在太棗村南坡頂負山面河亦一勝地也

壽母廟在西伏蒙村碑載宋仁宗求嗣於此今改設高小學校

百良寺在百良鎮有大浮圖唐貞觀年間建

梁武帝廟在太清觀東舊藏經典甚多今散佚

太微觀在太柵村宋建

悟真寺在龍亭村有古造像宋景祐年雷有終建

此 廟在屯里村明建規模仿解州廟每年四月六日會於



漢武帝廟在北牛莊規模宏大每年六月有大集會  
二龍寺在皇甫莊宋建碑因興訟移於同州負山帶壑東西  
二水至此合流前有黑水潭  
朝陽洞在解莊中有佛像三百六十餘尊亦名三清洞  
國清寺在五塚相傳宋建寺東有大浮圖清初建今毀於兵  
石杆巍然又橋頭河亦有國清寺明正德年重修  
崇福寺在防虜寨唐建曾設高小學校  
雲峰寺在鄧家寨頭金大宣十八年建  
禪林寺在塔吉村元至正四年建  
永廣寺在北永寧村唐貞觀二年建  
崇興寺在山陽村元至正年間重修

石空寺在王村明萬曆年重修

井溢壽聖寺在井溢宋賜額曰井溢壽聖寺

孫真人廟在長市口明初建

韓西橋在百良河發源處韓郃兩縣居民捐建年代失考現  
為汽車道所經在兩縣分界處

袁家河石橋在袁家河與澄城分界處跨崖疊石車可方軌  
創建年代失考

漢曹全碑並碑陰中平二年立隸書中斷

唐殘造像有褚題字

磚塔銘殘石顯慶二年所刊現存大小六塊

唐劉智殘墓志藏王氏



唐爾朱達墓碣藏朱氏祖祠

古小玉印舊志萃里村趙姓人得於村西龜紐方寸五分小篆文後辨其文曰阿衡之印清康熙時為潼關道方公持去漢小銅印舊志俱得於萃里村西土中斗紐方寸許文曰別部司馬曰太陰丞清初已失遺

魏殘石黃初五年隸書共分三塊失遺多半

雷詢墓志唐天寶五年石為清末縣令李翰源取去以上四種雖遺失已久然亦為古蹟之不可多得者故仍記之以存其名

鐵醮盆記宋政和年造現為匪軍移去又中蒙村亦有明天啟年間所鑄鐵醮盆

光濟寺碑宋元符己卯立

重修學宮記宋元祐癸酉

戒香寺碣宋紹興四年

宋奎禱雨記明嘉靖六年

宋奎修學記明嘉靖七年

王納策修城記嘉靖三十年

泰嶽廟記清康熙二十一年

漢三聖碑清康熙二十一年

老子洞記清康熙三十六年

泰山廟封土樹柏記清康熙四十一年

戒香寺碑康熙年隸書



葉華雲遺愛碑康熙年隸書

急遞鋪南路曰蔡莊鋪和家莊鋪吳莊鋪露井鋪東北路曰織布鋪同家莊鋪百良鋪太棗鋪亦古蹟之遺也故附記焉  
名勝 飛浮山在黃河中舊志云子夏石室在其上與水浮沈現沒無常今已多年不見矣相傳鯨竊帝之息壤以塞洪水息壤入水時時長上故其遺蹟猶於黃河中時見焉其峯似山根倒垂好事者或敲取其石置盆盎中以為玩品質皆砂石凝聚似石非石嵌空玲瓏如竹筒集合因水易吸而上升又名吸水石江南人呼為礮河南人呼為溜即此石也  
梁山在縣北四十里山巔有禹母廟遠望之如屋梁故名方山梁山之一峯也說文方併舟也山若舟覆故名

武帝山縣西北五十里梁山西峯之一有武帝祠山巔松柏成林蒼翠蔚然

禹母山梁山二十四峯之一俗名尖山亦名芙蓉峯

韓山梁山支脈距城八十五里有趙文子祠俗名救郎山晉趙氏匿孤處古柏蒼然皆千年以前之物也

小中武當山在西鄉南王村西溝中殿為石室幽雅可愛  
乳羅山縣南三十里自西南官道上望之如兩乳並列故名  
山巔古有柏林隋時代去以建同州之金塔寺清初復植之  
上有羅山寺古浮圖唐建兩旁添築二墩亦名筆架峯  
大禹廟在縣西南十五里之秦城村南地為羅山支脈土阜隆起相傳禹隨山刊木經此明萬曆時邑紳范灼募捐重修



古柏翁鬱南北數十里望之如城

明山在夏陽村西北上有殿閣迴廊明時比邱尼吳姑募建  
天柱山在莘里村西孤立若柱上有佛殿浮圖古柏森然東  
望黃河如帶

光濟寺在前二山之間宋時移修其地山川環抱風景絕佳  
鐘最大光濟晨鐘為八景之一

蓮花山在城村西眾峰環繞形如蓮瓣佛殿即蓮之心也殿  
東有張三丰睡着黃河像又有清泉味甚甘美

秦驛山在碁南村東古官道由潼關北上置驛於此曰德豐  
驛商賈雲集行旅往來之要鎮也唐時猶存後淪於河今祇  
存驛西之山以寄後人之感想而已山上有叢林宋建

福山在縣東靈泉村大壑中孤峯聳起羊腸一徑盤折而登  
上有佛殿浮圖翠柏蒼然

福壽山在太原頭村東上有古剎翠柏羅列旱則禱雨於此  
天馬山在金水溝官道旁土阜隆起如馬昔人多樹古柏蓋  
取馬鬣之義

岱山嶽廟在縣北郭地極高聳建築宏麗登其上全城在目  
太清觀故址今改中學校見古蹟欄地極宏敞建築壯麗昔  
人有八景詩

大像寺見古蹟欄旁有華雲臺高聳宏敞建築壯麗自飛雲  
寺圯後此寺當為郃邑冠

丹陽洞見古蹟欄在縣西郭有古洞五幽雅深邃騷人逸士



題咏頗多亦名丹陽洞每年五月五日士女多往遊焉  
龍泉在縣北十里龍泉村溝內方石上有二孔如鼻水涌出  
味甘冽

望仙臺亦名望仙宮漢武帝幸汾陰駐蹕於此所築在仙宮  
村今圯僅存遺址翠柏蒼然

華雲臺二為明循吏葉華雲先生講學故址舊志一在大像  
寺一在梁山西峯又縣城太清觀亦先生講學故地邠人文  
明之進步習尚之醇樸皆先生誘掖之力也廟祀而尸祝之  
宜哉

附錄

邠陽八景明知縣趙維藩有詩

梁山暮雨 光濟晨鐘 夏陽晚渡 方山雨霽

石室蒼松 金泉烟柳 秦城秋月 榆林晚釣

邠陽賢聖八跡 明知縣劉應卜清知縣莊曾明俱有詩

禹甸梁山 尹耕莘野 太姒于歸 孔達項宅

子夏讀書 羊左善交 淮陰嬰渡 岳松辭元



戶口

歷代增減率

明以前無可考舊志載洪武二十四年戶六千三十  
一口四萬八千二百三十四至隆慶五年戶九千一百一十  
口三萬三千一百八十六計戶增三千八百七十九口反減  
一萬五千四十八軍戶一千六百九十三弓校匠厨等戶一  
百三十九清順治六年戶六千七百口六萬九千一十五軍  
戶三千七百八十二匠戶一百一十八乾隆三十三年戶三  
萬一十六口六十一萬七千八百九十八此時孳息為至盛  
道光二十六年大饑教匪猖亂同治初年狃逆猖獗光緒三  
年歲大饑歷年人口死亡較之乾隆中葉已耗減十分之八  
據同州府續志光緒六年人口共一十二萬八千二百七十



六至光緒三十一年戶三萬二千九百五十五口一十四萬  
六千九百三十五此二十五年中所增乃止一萬八千六百  
五十九均計每年增數約為二百分之一民國建元未有切  
實調查至七年實知事象山所調查之戶口表共戶二萬八  
千七百四十九十三年共戶二萬四千五百零四男女丁口  
一十四萬八千七百四十七年新調查之戶又減至二  
萬一千二百二十九男女丁口一十三萬四千零七十三其  
原因由於連年以來兵匪交迫遷徙逃亡者過多也

現在  
確數

戶二萬一千二百二十九丁口共一十三萬四千零七

十三

性別 男多女少男共七萬三千五百五十四女共六萬零五

百一十九原因由於重男輕女婚嫁論財聘金一項幾同市  
僧之交易慘無人道莫此為甚此風俗之急宜改良者

職業 以百分計農約占六十分工約十分商約二十分學八

兵二大半男勤耕讀女勤紡織尤以西南鄉為最

生活 食品以麥為主佐以雜糧西北近山一帶以雜糧為主  
而佐以麥普通皆住瓦房城鎮及東鄉以帶建築頗佳西北  
近山及各河渠處多住土窯衣多粗布東鄉一帶間有絲織  
物或洋布者地瘠民貧生活頗苦

流亡 連年兵匪交迫壯者散而之四方及因兵燹饑疫而死  
亡者約百分之四

遷徙 連年兵匪頻仍近又亢旱成災故遷徙四方者約百分



物產

動物特產 千里馬(清康熙時夏陽盧姓家產一馬因難伏試馳三百里而不汗殺之駢脇柳子厚謂三百里而不汗者為千里馬然不常見也)漢中鯉(魚形如鯉土人戒食食則瘍因名神魚蓋漢水極清魚性寒不足供食品也)

動物常產

家畜有馬牛羊雞犬豕驢驘貓鴨及各種蠶類均係各縣常產隨地皆同惟十年前農家無不飼牛兼養驢馬獲利不少近因兵匪做擾人戒飼養何生育之可言甚有因養雞與蜂受累者建設局擬設法提倡畜產改良飼馬牛及養雞蜂之法



野獸屬 狐狼獾(狼之壯者)獾黃腰黃兔鼠鼯鼠跳鼠等野  
猪豹鹿近山沿河偶或有之

禽鳥屬 雞鴉瓦雀鴿鴻雁小燕紅雀曷旦啄木鳥鶴鶉黃  
鶯喜鵲尸鳩雉鳩鷹鷂鴉烏鴉野雞山雞鶉畫眉翠禽鴛  
鴦鶯鶯鷓鴣鷓鷗水鴨金翅布穀催耕百靈淘河

水族屬 鯉鯽鯉大頭等魚及鼈蝦蟆螃蛤水鑽蝌蚪  
昆蟲屬 蜜蜂馬蜂蟋蟀蝨斯蝴蝶蛾蟬蠅蚋蚊蚯蚓蚰蜒  
促織蜻蜒螢蚱蜢千足蟲蜘蛛守宮水蛭子子

介蟲屬 蛇蠍蜈蚣土鼈螳螂蝸牛穿山甲虬蟻螻蛄  
動物製造 特產有絨帽絨絨線襪 常產有絲氈皮繩皮  
條皮膠口袋氈襪毛帶雜毛拂毛纏繭氈鞋

植物特產 小紅棗(俗名象棗亦名鈴鈴棗)漢旁管草(舊志云  
可製汗衫)西瓜(天祿餘識云五代時邠陽令胡嶠于回紇得  
瓜種培以牛糞結實大如斗味甘名曰西瓜是西瓜至五代  
始入中國胡嶠之治虜記所述大略相同)柳條籐(可製畚箕  
產於和陽村)

植物常產

穀屬 穀有黃白紅三種糜有黃白紅黑四種小麥有紅白  
二種大麥有長芒露仁二種此外有黍稷麻子胡麻大麻子  
芝麻玉蜀黍(包穀)蕎麥芥子菜子豌豆扁豆綠豆紅豆茶豆  
紫豆人臉豆黃豆黑豆紅小豆白小豆麻小豆  
菜屬 白菜紅白蘿蔔芥菜蔓菁(諸葛菜)白蔥割葱韭菜蒜



辣椒茄子蕪蓮刀豆灰條苜蓿茶豆豉豆黃瓜王瓜豆芽笋  
菜菠菜蓮菜苦菜萵苣莖(言續)地軟莧菜洋芋馬鈴薯南  
瓜番瓜絲瓜薺菜香椿木耳樹花蕨黃花菜桐華  
瓜屬 西瓜甜瓜(甘瓜)匏瓜展布瓜笋瓜瓠子梨瓜黃瓜地  
黃瓜絲瓜番瓜

菓屬 無花果桃李杏梨海棠木瓜棗葡萄柿蘋菓林檎核  
桃石榴栗山查柒菓棠棣葵軟棗酸棗海雞蛋

木屬 松柏榆槐楊柳桃杏棗梨椿楸桐桑椴梧桐栝子靈  
椿叢竹茶檮等至如榛梓洋槐檉柳酸棗亦間有之

花屬 秋菊種類甚多不能備載此外如牡丹芍藥梅桂蓮  
玫瑰石榴絨夾竹桃仙人掌仙拳牽牛花紫荊向日葵蜀葵雞

冠玉簪扁竹絨線迎春槐葉梅榆葉梅旱三七玉蘭海棠十  
姊妹百合花虞美人旱芙蓉千穗穀水紅花山藥花鳳仙馬  
蘭月季洋梅花山丹雁來紅四季紅木槿萱草木蘭繡毬百  
日紅十樣錦海雞蛋海柿子及各種菜類各種藥類

草屬特產 繭棉穗棉紫棉麻

常產 中茅草莎草香芳草白草菅草葦蘆菰蕨蒿首蓿芳  
蓬瓦松蕪長苗荆艾薰草蘋萍菰

藥材屬 北山黨參沙參苦參丹參遠志黃芩柴胡紅胡甘  
草防風前胡車前子土細辛金銀花知母紫草茜草紫蘇薄荷  
荷槐子槐實槐花紅蓖麻麻黃劉寄奴透骨草破故紙威靈  
仙百草霜瓜蔓花粉葛根桑白皮白芍蒼朮赤芍款冬花蒲



公英香附蓮翹五加皮椿根皮益母地榆升麻秦艽葶藶子  
蛇床子木賊合歡花地骨皮牽牛茵陳艾葉馬蘭花馬蘭根  
天冬鬼箭草翻白草白頭翁扁蓄瞿麥堯花蒼耳子青蒿王  
不留棗仁側柏葉柏子仁皂刺地膚子萊菔子韭菜子阿苴  
子急性子鳳眼白茅根蘆根甘遂白菊花楸帶桑寄生桃仁  
杏仁李仁伸筋草金沸草馬兜鈴紫花地丁馬勃瓦松蘆盧  
土黃芪山查榴皮木耳柿蒂茴香楮實子花椒甜瓜子霜桑  
葉桑葢石花苦丁香蒺藜舊志尚有荆芥蕤仁百合半夏忍  
冬蟬蛻蛇蛻豹骨黃腰骨鳳凰衣望月沙夜明沙水蛇子殭  
蠶蠶沙蛻蚓天靈蓋穿腸骨臘粉鐵將軍倒退虫鼈甲羊脛  
骨阿毒膠土龍骨赤石脂石灰等物

植物製造

特產有大布線襪籐製之畚箕擗斗

常產有各

種木器菜油各種雜油燒酒麻繩蘆席水菸及麻紙綿紙各

原料

礦物特產

礪石

礦物常產

青石碓子石砂石板石子白堊(即白土一名粉土)

礦物製造

石灰磚瓦各種石物各種瓦器麥刃鋤刃剪鑪鋼

錠



風俗

地瘠民貧俗尚醇朴男勤耕作女勤紡織子弟以孝養為先婦人以貞順為德童子自八九歲後非業樵牧即務耕讀女孩自十數歲即操鍼黹紡織普通人民衣多大布食多粗糲士人頗習法程急公好義有無相周

禮俗

冠禮久廢二十年前理學家間有行之者他如精知禮義之家每于子娶婦之朝或前一夕為酒食召親戚族黨會集其父為子加冠命醮子跪受之名曰冠巾猶有古人冠禮之遺意焉

婚禮

六禮久不講矣然允親似納采換帖似問名兩家疑媒



似納吉行聘似納徵送奩下帖似請期至親迎一禮惟世族  
大家尚有行者迎娶之日男家備彩輿請少婦二人接新婦  
曰迎姑女家亦然曰送姑夫婦奠雁訖扶向吉房行合巹禮  
亦有不奠雁者則設和合天地神位交拜而已至次晨乃朝  
見舅姑及尊長親戚惟先配後祖亦一缺點焉

喪禮 初終親朋含玉後多焚楮錢子孫哭小殮訖聞後親戚  
來集始大殮帷堂而哭戚屬族黨來賻致蔬菜麵食香楮帛  
而哭蓋禮以喪家哀不舉火也三日黎明哭盡哀成服日懸  
訃牌紙綴于門首名曰出紙友誼皆素服帛唁主人出白布  
三尺給客名曰散孝甥壻則給孝服富家則專以散布多少  
相競爭自此七日一哭祭七七日為止蓋本古者大夫僭諸

侯七虞之禮相沿成習耳至五十日百日又祭七七之中必  
卜一白家祭先期訃告親戚族黨往奠贈香紙食物葬期亦  
如之自初喪攢厝及窆棺多用樂行點主禮飲酒茹葷款賓  
客富家務為豪侈往往鬻靈塞巷僧人誦經以為術耀明器  
皆用燈盞火鑪麵食發酵確而守禮之家亦有純遵古禮不  
用樂者或參用儀禮禮記孝經家禮不以酒食宴客惟注意  
於衣食棺槨用瓦製俎豆及日用器具為明器且刊石以  
誌墓至於小殮大殮啟期遷柩朝祖朝奠夕奠家祭啟柩靈  
輜祖道窆棺施槨藏明器成主虞祭等禮先後行之至半月  
以迄於小祥大祥禫祭均一一如禮者然習俗沉迷寡不敵  
衆甚或非笑之以為儉陋焉近年有參用新儀式開追悼會



綴白菊花左腕纏黑紗者惟孝子皆遵古禮喪服持杖至於貧寒之家則薄棺掩尸隔宿即葬無一切儀節矣然孝服必守三年貧富如一故前循吏段公士聰郟陽新詠有服制甲天社火賽揚州之句非過譽也

祭禮 舊族世家多建祠宇歲時伏臘元旦各就其家設位祀祖元旦族黨相謁清明時子姓同拜掃墳墓以冷麵食供祭品猶是寒食之遺意馬上元薦元宵端陽薦角黍二麥登場薦新名曰嘗新中秋薦月餅孟冬朔薦水餃多焚楮帛曰送寒衣冬至祭始祖多薦羔世族大家對於歷代忌辰有陳設蓬豆以時菓或餠饌致祭者至於一般人民祭必焚楮儀節不必盡中禮也

習慣 士多兼農不喜修飾恥於奔競非公事不履公庭農勤稼穡安分守己至農隙時或以小手工肩挑為零星商販婦女主中饋親操井臼且多有躬助耕獲者工則拙於製造不求進步惟勤苦耐勞是其特色商人則營業遠方多以忠厚篤實見重於人舊時多尊男輕女結婚時不論門閥不計賢否惟以財禮多寡為高下此急宜改良者送喪重鼓樂喪事用葦席以酒肉之豐儉為當大事之薄厚祭祀不計祭品不求禮節惟焚黃焚楮而已

### 宗教

釋教 清初僧會司在治城內光國寺今廢信仰者不過百之一二



道教 清初道會司在治城內太清觀今廢信其道者尤少  
基督教 總會在治城內南街蔣家巷清光緒二十八年由  
牧師祖蔣氏宅修理始設福音堂經費由會內募集鄉鎮又  
分設支會九處一在坊鎮一在宮城村一在臨河村一在店  
子頭一在榆林村一在百坂村一在秦城村一在西馬村教  
民共八百人內有男丁四百二十人婦女三百八十八人前數  
年專事傳教近年在治城設立培心兩等學校福音助貧實  
業學校校中工廠分毯料織料染料襪料又在教堂附設兩  
等女學一處

### 實業

農 郟陽為元聖躬耕故址土質宜農居民業農者亦最多  
惟土脈磽瘠農學不講兼以雨量缺乏每年所產二麥雜糧  
平均每畝不及四斗由于純用人力農具又皆舊式不能力  
求改良惟以糞多力勤相尚歲晚農閒即拾糞採薪夏田以  
二麥莞豆扁豆為大宗秋田以糜穀包穀為大宗間有種菜  
子芝麻蕎麥者沿河一帶棉花每年平均約占地三分之一  
強其他如橋頭河夏陽川之蔬菜東南區之西瓜沿大峪河  
東邊之麻皆墨守舊法以致品質日劣收量亦減民國後雖  
設立乙種農業學校及試驗場然祇有蠶科一級自前勸業  
所成立後散給德棉種子令四鄉仿種又設森林苗圃試驗



場等處極力提倡於是邵陽實業稍有可觀然以兵匪連年騷擾之故舊日成績完全破壞惟德棉一項至今四鄉尚多有種之者現建設局力圖改良祇以財力支絀進行諸多窒礙將來經費稍裕農業前途當不難發展矣

工 邵陽無大工作惟銀鐵錫銅竹木縫染泥水各匠與製毛口袋毛氈絨帽各色絲線皮貨等工人而已至於彈花紡織普通家庭婦女多嫻習之尤以正西西南兩鄉所產大布尤多石工則開礦燒石灰者有西馬村百坂村作礪石者有北家新莊賀家咀兩村作磨子石者有念吉溝馬家溝址坊頭三村皆不能改良擴充出品亦不細緻若福音堂之工廠其裁絨紡織染料各工頗著成效不幸於十六年八月倉猝

兵變被劫停工至今未能恢復他如龍停村之水菸雖產出不多絲條尚不甚卑劣和陽村用柳條藤編畚箕攜斗各物堅緻適用可稱特色大小郭村之麥刃鋤刃每年行銷甘肅河南江西及本省各地則亦鐵工之特著者至於清油燒酒挂面各種點心品質尚稱精良鋼鑪鋼錠剪刀木錠啞鈴粉筆磚瓦及各種瓦器雖不甚精良皆能行銷鄰縣若木匠泥水匠解匠小爐匠等則普通農民胥能操之惟一切工業不知研究以求進步故為時代潮流所迫出品日劣退化亦甚即如裁帽一項為邵產最著之品在清咸同年間工場凡三十七家行銷川滇各處嗣因西商購運裁毛價值日昂川滇俗尚漸移銷路大滯今存者僅三家耳建設局現擬籌小工



廠組織一工會以為研究改良之基礎

商 卻無富商大賈兼之地僻東陞商務亦不甚發達若布若氈僅足供本地之用輸出甚少絨帽僅能銷至三川滇各處近又衰落麥刃鋤刃畚箕等物雖能行銷遠方亦無大宗輸出礪石石灰磨石等以運費過鉅不能暢銷至於日用所需之洋布洋紗巾扇藥料顏料紐扣火柴紙張食鹽煤炭等多半自晉之絳州解州轉運而來麻靛則自韓城輸入磁器多自澄城耀州輸入煤炭亦有來自韓澄白者紙烟來自東路水菸來自西路而耗費之最鉅者莫甚於鴉片近以功令嚴禁兼之附稅過重不惟運鴉片者日見減少即售吸紙烟者亦百無一二此數月以來示禁之明效也

城內舊有商務會而無正式商業學校前勸業所雖辦商業夜學校一次旋因軍興解散蓋郃陽本無商務之可言民國以來屢遭時變蹂躪搶劫破壞已不堪言而尤以七年十年十四年十六年之損失為尤甚近年軍匪交迫商人逃亡殆盡以致金融停頓商業蕭條現雖設法招集回市若恢復舊狀恐尚需時日耳

礦 惟青石礪石磨子石等類已詳述于工商欄內

畜牧 普通民戶多能畜猪養雞惟不知改良不能推廣北境梁山左右前數年間有牧羊者近年以兵匪藉端訛索畜牧幾乎絕跡建設局現正極力提倡畜牧一事庶可漸收實效也



蠶桑 邵土最宜蠶桑有識者亦知以此為急務無如歷年時局倣擾鄉民又不甚研究以致蠶業不興然已往成績多有可觀者前清時邑紳高廷楨捐地五畝餘植桑于城內之馬園以勸養蠶嗣邑宰顧曾暄由省購回湖桑苗五千株分配各團教民養蠶清季有舉人蕭雨亭倡辦初等農業學校設蠶科一級擴充桑園二處廣植湖桑又種桑苗數畝擬令四鄉移植旋以軍興停頓民國初張柳塘廣文極力提倡并捐資移植桑苗數畝二年開辦乙種農業學校先設蠶科一級五年委王相斌主校事王相斌者畢業於浙江蠶桑專門學校者也本其學識竭力倡導至六年擴充桑園至十餘畝實習養蠶年獲淨絲四十餘觔李周臣孝廉繼之日有進步

十一年雷世彬以浙江甲種農業學校畢業資格繼主校事植桑育蠶歲有增加成績斐著十三年前勸業所附設蠶業傳習所又實行種桑育苗為根本計由是風氣漸開城鄉育蠶之家愈眾私人植桑自五六畝至十餘畝者多至五十餘家其他零星業此者尚難悉數約計全縣植桑之數尚在十萬株以上祇以連年兵匪騷擾地方凋敝剪伐破壞不堪言狀現在建設局成立呈請籌辦平民蠶業傳習所喚起民眾注意蠶業一面恢復舊觀一面推行新法庶幽岐古道可復見於邵邑焉

森林 北山左右向多松柏近廟宇處尤多近年因軍隊之需居民多斫伐以供軍用昔之茂林翁蔚者今已濯濯矣前



勸業所舉行植樹運動會後人民漸知植樹之益在各道旁隙地時植漸廣縣之金水溝畔有私立林業社者植樹至三十餘畝之多惜皆為近年軍匪毀伐殆盡本年補栽五六畝亦被剪伐今歲建設局復舉行植樹運動大會聯絡農工商學兵於治城內各街巷及隙地植樹一萬六千餘株各機關亦植樹一萬餘株倘能雨澤及時再不被人剪伐數年後林業或有可觀焉

水利 郟境地係高原井深約在五十尋左右倡興水利頗非容易惟夏陽川之漢徐水畔之橋頭河有地三百餘畝該處地卑水淺或引泉以灌溉或鑿井以澆田且有用舊式水磨以磨油及麥麵者連年地方多故漸就荒蕪水田存者僅百餘畝現陳縣長設法招徠農民漸歸建設局提倡開渠鑿井藉救旱災又督修舊日小渠而引長之惟水源皆不甚暢旺所有舊日水田漸次開闢引渠灌田者已四百餘畝又於水淺之處浚舊井開新井統計夏陽川百良河口徐水河上下游金水河上游及大峪河畔灌田者又五百餘畝惟預計所費之工資每畝約在三元以上至收穫期除糞資不計外每畝人工約需六元以上平均亦無甚大之利益耳

水磨 水磨一項舊日尚多近年兵匪破壞殆盡自經陳縣長招集流亡現在百良河之水磨有七徐水河之水磨有九金水河之水磨有五大峪河之水磨有三共水磨二十有四其餘尚有二十餘處將來或可漸次修復也



航業 詳交通欄水運項下

## 教育

### 各級學校狀況

(1) 縣立中學校一處初清光緒二十九年奉令興辦學堂就治城東街古華書院及考院舊址創辦洽陽學堂三十一年改為高等小學堂即以書院基金為的款三十四年宣統元年及民國元年各畢業一次嗣後逐年有畢業者五年城陷校內大受損失七年城陷校內雖未破壞而教授幾乎停頓矣十年邑紳酌量就高小舊址改辦中學旋以房舍多舊式光線多不合十四年移於治城東北隅之太清觀太清觀者振興邵陽教育明隆慶年間循吏葉華雲之祠址也先是民國九年趙本蔭知事就此祠址創設清華預備學校以直



航業 詳交通欄水運項下

教育

各級學校狀況

(1) 縣立中學校一處初清光緒二十九年奉令興辦學堂就治城泉街古華書院及考院舊址創辦洽陽學堂三十一年改為高等小學堂即以書院基金為的款三十四年宣統元年及民國元年各畢業一次嗣後逐年有畢業者五年城陷校內大受損失七年城陷校內雖未破壞而教授幾乎停頓矣十年邑紳酌量就高小舊址改辦中學旋以房舍多舊式光線多不合十四年移於治城東北隅之太清觀太清觀者振興邵陽教育明隆慶年間循吏葉華雲之祠址也先是民國九年趙本蔭知事就此祠址創設清華預備學校以直



接升入北京之清華學校而能遊洋肄業為宗旨至十年軍興停辦旋併入中學迨中學移入後乃就其地創樓式教室九間層級教室三間儀器室三間預備室一間學生寄宿舍四十八間廚室十六間管理室十間新式門面七間夫役室六間舊廟三座均改為藏書樓禮堂及儲藏室舊華雲祠共房十七間改為教員院以原日高小的款洋一萬二千餘元作為基金年息可得洋二千七百元之譜又按畝派捐六釐可得洋七千餘元連同舊日之佃租屯差行捐學費等項共約得洋一萬一千餘元十二年添招學生四級師範班一級共二百餘人聘北大畢業者四人為各科教員其教授外國語者為瑞典國教士共職員十七人教員八人十四年後卻境之戎馬不絕跡邑城之戰爭無虛日以故教務毫無起色校內學生甚至轉學他處計自十四年以來前後畢業共五次僅九十三人師範班旋改為傳習班亦僅畢業一次自去秋換防後地方雖稱安謐而雨澤愆期校款支絀學生亦多裹足不前現僅招學生二級以節經費

(2) 自中學成立後縣立高級小學校凡十一處以資銜接學級之便

第一高級小學校在治城東街就馬王廟故址改建舊有學生三級畢業三次近年為匪軍所佔住一切破壞無存現正設法補葺續招學生

第二高級小學校在坊鎮借王公祠故址招學生二級畢業



三次

第三高級小學校在東伏蒙村改聖母廟為校址原係該區公立之校以該處附加花秤炭船等捐為公費畢業二次改縣立後畢業五次

第四高級小學校在莘里村興國寺故址招學生二級畢業三次

第五高級小學校在黑池鎮借王氏祠址招學生二級畢業三次

第六高級小學校在露井鎮借侯氏私宅兩院招學生三級畢業三次

第七高級小學校在秦城村借劉氏祠址招學生二級畢業

一次

第八高級小學校在良石村借王氏祠址招學生三級畢業三次

第九高級小學校在西王村租呂公祠址招學生二級畢業三次

第十高級小學校在甘井鎮借關帝廟址招學生一級畢業一次

第十一高級小學校在百良鎮借房氏祖祠址招學生二級查第三高級小學校係民國四年該區士紳創辦先在東銅蹄村旋移東伏蒙村餘校均於民國十一年成立同時尚有同家莊防虜寨南蔡莊范家窪西馬村新池村靈泉村七處



亦曾試辦俱以地方多故財力不給中途停止現存之十一校每校約分二級或三級每級學生約三四十名分二級者有職教員四人三級者有職教員五人至於各高小校經費舊歸各區擔任十四年教育局為統一教育起見一律改為縣立其經費由縣署在畝捐項下籌撥每畝加收洋一分全年共約收洋一萬二千餘元以為全縣十一高級小學校經常費暨臨時費之用

(3) 職業學校一處在治城西北隅壽聖寺舊址清宣統二年創辦初等農業學校三年革命軍興中止民國三年改辦乙種農業學校先設蠶科一級十一年添招農科一級十三年又改為職業學校校內學生約四五十人前後共畢業五次職教

各員約六七人不等當該校開辦時其經費係由至聖會及鏡英會兩處共撥的款銀二千五百兩又由財政局籌撥銀一千兩共銀三千五百兩作為該校基金至民國五年前知事胡瑞中以兵差支應浩繁提用一千兩下餘銀二千五百兩每年約得利息洋六百零以為維持校務之用其不足之數由財政局從地方稅項下設法津貼每年約洋二千之譜開辦以來逐年擴充改良日有起色自十四年後疊被匪軍佔駐校務因之停頓而校中之圖書儀器以及一切器具亦悉數破壞無遺現正設法繕葺陸續招生以備開學

(4) 師範傳習所民國元年附設於勸學所繼附設於高等小學舊址內又附設於中學校每年招生一系年終畢業每月約



需洋百元由財政局籌撥

(5) 各村鎮國民學校全縣共二百八十六處內有三十餘處可稱合格每校聘教員一人或二人不等管理員均係義務職學生共七千餘人其經費皆由各該村鎮自任全年約需洋一萬一千三百元有奇近年多為兵匪推殘學生星散現因天旱正設法催督修理招集開學

(6) 邵僻東陸風氣錮塞故女學不甚發達民國初年治城設女學校一處女生僅二十餘名繼又添招師範班學生五六年旋以軍興停辦本年於治城設女子學校一處然因天旱年荒投考肄業者僅十餘人耳基督教會附設女學一處近改為女子高等小學肄業三十餘人東銅蹄村舊有女子國民

學校一處學生三十餘名成績頗有可觀餘如百良鎮秦城村良石村等處女學及南鄉之慶成女學校俱各有學生八九名不等數年來以軍事頻仍停辦現正設法恢復

(7) 教育會於清宣統二年設立民國改元仍舊十一年改選會長積極進行旋以軍興解散現時局統一積極組織以期進行又設法組織平民教育委員會近奉令又改為民衆教育委員會

(8) 社會教育向無成績前清末季城內設簡易識字學塾四處民國十三年前勸業所附設商業夜學校前知事楊楷亦通令各高小籌設夜學然遵令實行者僅達半數又中學曾附設勞工夜學未久即停現建設局附設平民學校有學生三



十五名改為民衆學校惟因亢旱食艱輟學者殆半教育局又在沿城內籌設民衆學校五處並飭各高小暨各國民校內附設以謀推廣教育近又擬組織強迫教育宣傳隊以實行強迫教育

(9) 通俗講演團民國四年創辦分區講演初辦時先用留聲機誘導民衆講演員均係西安講演傳習所畢業者并用省城頒發之講演材料巡行講演風氣漸開去秋卻境統一後分派專員講演天足要政又於城內組織化妝講演團又名新劇團成效頗著惟舊日所演之線戲曲多係明末逸老李向若等所編集大半以灌輸革命為宗旨現聘耆紳之通戲曲者擬利用舊曲而改良之

(10) 閱報所清光緒末季在舊學署設立後附設於勸學所民國十年大加擴充購報至四十餘種同時縣立中學亦附設閱報所後俱以軍興中止現縣政府在大堂西偏設一民衆閱報所並分令中學教育局建設局商會皆附設閱報所又擬令里民局門首亦設閱報所處以求文化普及

(11) 圖書館兩處附設中學及教育局內舊尚有西河圖書館育英圖書館二處均係商人設立近以軍興停業

(12) 家庭教育尚守古風子弟相勗以孝弟勤儉婦女相尚以貞靜幽閒童子至八九歲時雖無新文化思想均能讀書識字幼女雖不求學然能謹守閨訓否則為鄉鄰所不齒習俗然也現正提倡女學以為組織新家庭之基礎



四十三  
(15)私塾舊有一百餘處嗣經教育局設法改為國民學校者四十八處其餘亦一律取締陸續改良參用國民學校教科書

財政

金融

生銀 現已全行消滅惟銀爐作首飾時間有用之者至生金一項舊日全未流行

銀幣 現只用一元若五角以下須補色通用之幣以國幣袁頭站人及北洋造四種為正牌若湖北四川造幣廠鷹牌及廣東造均為外牌略須補色

紙幣 現西北銀行紙幣一元者一律通用輔幣一角二角者亦奉令一律通行至中央銀行紙幣及輔幣雖奉令一律通行而邨邑地處東陸交通不便市面流通者甚少

銅幣 有當十當二十當五十當一百四種均照價值通用餘



如當二百之銅幣亦作當一百計算

制錢 現時市面幾絕迹

紙幣 各商號向不發行外縣來者亦未能流通市面

田賦 邵陽田賦自明萬厯以來民收民解永為定例以故錢糧項下陋規較各縣獨少明隆慶初年循吏葉夢熊由御史請邵陽丞以書算多弊定為田賦簡明額數榜示民間無何陞遷胥吏陰去其榜詭詐日增後十九年葉公重撫陝右總制三邊攝榜為左驗因搜奸胥之狡黠者分別遣戍而勒其數于石一切陋規悉除去清初陋規復增至乾隆年間經義民聶仁呈控部院又裁免陋規七十五款嗣又經循吏數員遞次減免裁革火耗現時田賦一項幾無一錢陋規矣

民地丁正銀 原額正庫平銀五萬八百五十九兩九錢零五釐一五

折洋七萬六千二百八十九元八角五分七釐五毫凡舊日之丁銀鹽課課程匠價藥味盤纏各項均在內

一五耗羨 庫平銀七千六百二十八兩九錢八分五釐五毫七絲五

忽一五折洋一萬一千四百四十三元四角七分九釐陝西耗羨一項係康熙末年羹堯督川陝時以款項不足征收加二差徭後年請去部議酌減至乾隆初年定為一五永為定例指定為各官養廉用途

平餘 庫平銀一萬零二百五十八兩四錢四分三釐一五折洋一萬五千三百八十七元六角六分四釐五毫凡舊日之平餘小平餘三五小平餘四三小平餘飯費加平新平三八



新平二五節省四五解費運費房書印紅票費冊費報文批  
費各項均在此內

火耗並  
歸公

庫平銀一千三百七十二兩九錢六分五釐七毫一五  
折洋二千二百零九元四角四分九釐內歸公九百七十五  
元火耗項共餘一千二百三十四元四角四分九釐十七年  
清理積弊悉數裁革

加四賠  
致差

庫平銀二萬零三百四十三兩九錢六分二釐一五折  
洋三萬零五百一十五元九角四分三釐火耗解費並在內  
按每兩八釐扣除

屯地丁  
正銀

庫平銀一千一百九十八兩二錢二分一五折洋一千  
七百九十七元三角三分三釐

銀行 民國元年富秦錢局派員在邵陽設立分局三年改設

富秦分銀行代辦經收錢糧事五年討袁之後被匪搶劫七  
年又被高峯五搶掠一空拷掠勒提殆盡因之歇業十八年  
二月西北銀行成立數月以來尚稱便利

其他地方  
一切款項

均由財政局經理在地方安謐時一切附加稅每年可  
得洋七千九百餘元雜捐可得洋四千餘元連年因兵匪交  
迫饑饉洊臻工商歇業一切收入寥寥無幾所有地方公用  
惟恃地畝附加以救燃眉而民貧財盡催征惟艱以致庶政  
停頓不能積極進行



自治

籌備情形

清宣統奉令設立自治籌備所適在省自治研究所畢業人員回縣遂先在縣設立自治研究所一處招收學員照章研究改良警政肅清土匪三年九月革命軍興因就自治機關改為保安公所分股組織辦事一面接洽民軍一面籌備挽輸並一面籌備民團保衛地方故雖守令逃亡而地方秩序毫無紊亂者亦因自治籌備經年喚起一般民衆之自治心也

民國九年奉令設立臨時縣議會財政局民團局復以民團局為團練警察事務所由省委團練使兼辦至本年後季地方秩序恢復政令統一改良自治籌備處章程下面籌備地



方自治一面調查戶口先成立選舉事務所省議會眾議院同時籌備進行二年一月在潼關之陝西第二選舉區內選出第一屆省議會議員二人參議院議員一人眾議院候補第一一人隨即補入選政既畢正擬照章進行自治事業適表氏帝制萌芽先解散自治機關財政局亦併入縣政府財政科其他一切陸續停止

已辦事項

自治研究所清宣統年間設立民國後停辦

區保衛團

四年奉令設立分城鄉七區共設團局七處歷年因兵匪交迫屢次解散近年雖復設立然僅為供支軍隊糧秣機關而已毫無成績可言現時一律停辦

臨時縣議會

元年成立二年停止

自治協進會

該會於民國十二年由陝西關中道區地方自治講習分所畢業學員十四人回邠組織成立積極進行十四年因兵匪交迫停頓

自治講習所

民國十二年奉令設立共畢業兩班六十餘人

自治籌備處

民國十一年奉令設立隨即調查戶口成立縣參兩會後停止隨復奉令設立十四年王雨亭旅長佔據邠城以命令解散

縣議會

民國十二年奉令成立十五年因天旱成災農民協會

要求停止

縣參事會

民國十二年奉令成立十五年因天旱成災農民協會

要求停止



牛痘局 民國十三年成立開辦一年尚著成效十四年因軍興  
停辦

縣道局 民國十三年因修治全縣道路籌畫汽車路線呈報省  
政府立案嗣因的款無着准先改為平治道路股附屬勸業  
所內十四年王雨亭旅長入郟陽後以命令解散

自治講習所 民國三年奉令設立四年由省講演傳習所畢業學員  
回郟改良組織五年討袁軍興停辦十一年自治講習所畢  
業學員又組織模範巡行講演團十五年因天旱成災農民  
協會要求停止

教育會 自清宣統年間設立模型歷年以來屢因款項支絀僅  
有其名鄉間教育會成立者亦少間有一二處遵章組織成

### 效卓著者

農會 自民國十一年設立每年由縣署津貼洋一百元十三  
年後因軍事停頓

商會 自清宣統年間奉令成立近年因兵匪摧殘幾廢十七  
年遵章改為商民協會

工會 十三年由前勸業所籌辦粗具形式旋停止

教育局 清光緒三十一年設立學務局民國初年改為勸學所  
歷年以來逐漸擴充添設職員至十三年奉令改為教育局  
將縣視學處併入就當日城守營地址建築局所又將兩旁  
之舊關帝廟元聖祠併入規模粗備其他詳教育欄中

學堂 民國十二年奉令成立十五年因亢旱成災農民協會



要求停止併入教育局辦理

財政局 清宣統三年設立縣地方經費處民國元年奉令組織財政局撤銷地方經費處所有事務交由財政局接辦二年奉令併入縣署財政科兼辦五年袁氏革命後復奉令重立一切地方款項均歸財政局經理十六年十二月又遵照新章改組令改為財務局

勸業所 民國十二年奉令設立十五年七月因天旱成災農民協會要求停辦至十六年九月奉令成立建設局委前勸業所長范誦芬為局長一切事務積極進行頗有起色

農村自治籌備處

本年三月奉令設立現正積極進行

區公所 本年三月奉令成立共七區每區各置局長一人助理

員一人村置村長一人現正組織保甲事務

採訪局 民國十二年因省垣閉局續修通志奉令成立陸續造報未及歲事十五年七月因天旱成災農民協會要求停止十七年秋境卸境收復地方漸寧復奉通令採編新志材料始於九月奉令繼續重組成立現正積極採編中



要求停止併入教育局辦理

財政局 清宣統三年設立縣地方經費處民國元年奉令組織財政局撤銷地方經費處所有事務交由財政局接辦二年奉令併入縣署財政科兼辦五年袁氏革命後復奉令重立一切地方款項均歸財政局經理十六年十二月又遵照新章改組令改為財務局

勸業所 民國十二年奉令設立十五年七月因天旱成災農民協會要求停辦至十六年九月奉令成立建設局委前勸業所長范誦芬為局長一切事務積極進行頗有起色

農村自治籌備處

本年三月奉令設立現正積極進行

區公所 本年三月奉令成立共七區每區各置局長一人助理

員一人村置村長一人現正組織保甲事務

採訪局 民國十二年因省垣閉局續修通志奉令成立陸續造報未及歲事十五年七月因天旱成災農民協會要求停止十七年秋境卻境收復地方漸寧復奉通令採編新志材料始於九月奉令繼續重組成立現正積極採編中



交通

郵政 自清光緒二十九年由商人代辦至民國六年改設二等郵局又在邑西南區之露井鎮東南區之黑池鎮正東區之新池村及坊鎮東北區之百良鎮各設代辦所一處又於東北區之同家莊正西區之西王村各設信櫃一處至民國八年加增快班十二年為高軍騷擾停止快班連年又因軍匪不寧已降為三等郵局矣

電政 民國十三年由駐軍請設電報局於縣署內每次發電外加三角商民均便後季撤去惟留電話一具東北通韓城南通大荔而已後亦撤去十七年冬季復設電報局惟因初次創辦一切殊感困難云



鐵道 無

汽車道

民國十三年由前勸業所附設之縣道局規畫路政另改路線迴避深溝峻阪東北達韓城南通大荔西接澄城一時略具規模連年兵匪交迫路政廢弛且因戰事紛延破壞者甚多雖建設局成立後於本年積極整頓尚未恢復舊觀也

街道 舊日治城四街道路中為槽形舊式故每於雨潦時行旅多感泥濘之苦民國十三年前勸業所附設之縣道局極力改良將四街土路均填為馬路式寬可方軌又將南大街破石最多之處一律砌平至十五年又鳩工鋪以新石於是南街雖係斜坡而寬廣平坦永無水刷之慮矣十七年又將

東街改為中山大街現正督工將路中破壞之處一律墊以黃土使之隆起以恢復舊日馬路式云

車路 本邑為由省北通韓宜一帶經過之孔道自改修汽車路後南北幹路約加寬一倍其餘六鎮縣道亦於民國十三年由勸業所大修一次際限於溝阪工作困難不能加寬外一律均可方軌本年建設局又將黃河附近各處舊日湮沒之渡口碼頭能通車路者略為平治以便卸炭民頗便之水運 黃河由韓城北來水勢汎濫兼之船政不修交通阻滯故無大宗商貨過境惟由山西與韓城運來之煤炭均在縣東一帶瀕河碼頭起卸晉絳之鐵貨京貨銷於西鄰數縣者由小船渡運至本地常年所產之棉花悉由水路東運銷於



鐵道 無

道

民國十三年由前勸業所附設之縣道局規畫路政另  
改路線迴避深溝峻阪東北達韓城南通大荔西接澄城一  
時略具規模連年兵匪交迫路政廢弛且因戰事紛延破壞  
者甚多雖建設局成立後於本年積極整頓尚未恢復舊觀  
也

街道

舊日治城四街道路中為槽形舊式故每於雨潦時行  
旅多感泥濘之苦民國十三年前勸業所附設之縣道局極  
力改良將四街土路均填為馬路式寬可方軌又將南大街  
破石最多之處一律砌平至十五年又鳩工鋪以新石於是  
南街雖係斜坡而寬廣平坦永無水刷之慮矣十七年又將

東街改為中山大街現正督工將路中破壞之處一律墊以  
黃土使之隆起以恢復舊日馬路式云

車路

本邑為由省北通韓宜一帶經過之孔道自改修汽車  
路後南北幹路約加寬一倍其餘六鎮縣道亦於民國十三  
年由勸業所大修一次際限於溝阪工作困難不能加寬外  
一律均可方軌本年建設局又將黃河附近各處舊日湮沒  
之渡口碼頭能通車路者略為平治以便卸炭民頗便之

水運

黃河由韓城北來水勢汎濫兼之船政不修交通阻滯  
故無大宗商貨過境惟由山西與韓城運來之煤炭均在縣  
東一帶瀕河碼頭起卸晉絳之鐵貨京貨銷於西鄰數縣者  
由小船渡運至本地常年所產之棉花悉由水路東運銷於



津漢各大埠云

### 警政團防

警政沿革

前清光緒二十九年設巡警教練所一處逐年漸次改良每年畢業一次其畢業之警士皆陸續編為崗警因縣地瀕河東南接近朝邑境之黃河灘土匪出沒無常隨時防禦勦撫頗著成效革命軍興改編為城防隊分設民團保安隊置民團管帶一人屢勦土匪頗資其力民國建元改由團練使管理後奉令改設團練警察事務所仍由團練使節制二年改設巡局設警佐一員巡官二員及巡長教練會計書記等職歷年數經變亂盡將警士武裝收去繼遵章旋即恢復而素手空拳實力薄弱矣十六年後奉令改為公安局十七年八月換防後遵章積極整頓又奉令添招警生認真教練地



津漢各大埠云

警政團防

警政沿革

前清光緒二十九年設巡警教練所一處逐年漸次改良  
每年畢業一次其畢業之警士皆陸續編為崗警因縣地瀕  
河東南接近朝邑境之黃河灘土匪出沒無常隨時防禦勤  
撫頗著成效革命軍興改編為城防隊分設民團保安隊置  
民團管帶一人屢勦土匪頗資其力民國建元改由團練使  
管理後奉令改設團練警察事務所仍由團練使節制二年  
改設巡局設警佐一員巡官二員及巡長教練會計書記等  
職歷年數經變亂盡將警士武裝收去繼遵章旋即恢復而  
素手空拳實力薄弱矣十六年後奉令改為公安局十七  
年八月換防後遵章積極整頓又奉令添招警生認真教練地



方一切秩序頗賴維持

現狀 局長一人督察員一人巡官二人會計一人書記一人  
司書二人司事二人巡長五人警生五十人

整頓情形

邵陽經高麻段各部盤踞多年東南則河灘土匪不時出  
歿西北則北山一帶土匪時時騷擾商賈絕跡人民逃散去  
秋收復以來因駐軍保護得力縣長設法招撫於是商賈漸  
次回市民眾亦漸次歸來公安局又在城鄉切實稽查並分  
派警士在街道站崗巡邏盤查匪類又不時出鄉緝捕積匪  
社會秩序賴以粗安至其平日清查戶口稽查店客保護行  
旅督飭商民勤掃街道嚴禁閭巷堆積垃圾並會同建設局  
厲行清潔注意衛生此固公安局之職員得力亦陳縣長祿

積極整頓之效也

團防沿革

前清光緒末葉廢保甲舊制改辦鄉團旋於縣城內設

一總團四鄉各設一分團至民國元年恢復舊日各團區之  
制以區域小則靈活易於指揮也全縣計八十二團歷年因  
路遠隔閡分至八十五團四年奉令設七區保衛團各因地  
方之便設於適中之市鎮統轄本區各分團八年析為九區  
次年併仍舊又設民團總局於縣城七區各置代表一人以  
處理本區之事十四年改民團總局為七區稽查處十五年  
廢至各區之保衛團歷年因兵匪騷擾稍置器械以自衛又  
多被匪軍收去作為擴充營伍之用東三區受累尤甚近年  
兵匪滋歎以及糧秣支應加以保衛團之團費概由各團區



方一切秩序頗賴維持

現狀 局長一人督察員一人巡官二人會計一人書記一人  
司書二人司事二人巡長五人警生五十人

整頓情形

邵陽經高麻段各部盤踞多年東南則河灘土匪不時出  
歿西北則北山一帶土匪時時騷擾商賈絕跡人民逃散去  
秋收復以來因駐軍保護得力縣長設法招撫於是商賈漸  
次回市民眾亦漸次歸來公安局又在城鄉切實稽查並分  
派警士在街道站崗巡邏盤查匪類又不時出鄉緝捕積匪  
社會秩序賴以粗安至其平日清查戶口稽查店客保護行  
旅督飭商民勤掃街道嚴禁閭巷堆積拉圾並會同建設局  
厲行清潔注意衛生此固公安局之職員得力亦陳縣長祿

積極整頓之效也

國防沿革

前清光緒末葉廢保甲舊制改辦鄉團旋於縣城內設

一總團四鄉各設一分團至民國元年恢復舊日各團區之  
制以區域小則靈活易於指揮也全縣計八十二團歷年因  
路遠隔闕分至八十五團四年奉令設七區保衛團各因地  
方之便設於適中之市鎮統轄本區各分團八年析為九區  
次年併仍舊又設民團總局於縣城七區各置代表一人以  
處理本區之事十四年改民團總局為七區稽查處十五年  
廢至各區之保衛團歷年因兵匪騷擾稍置器械以自衛又  
多被匪軍收去作為擴充營伍之用東三區受累尤甚近年  
兵匪滋歎以及糧秣支應加以保衛團之團費概由各團區



取之於民間此等款項重於錢糧正供者數倍十七年十月  
遵照新章改辦保甲七區各置區長一人并於縣府內設民  
團督察處七區各置督察員一人以資整頓

現狀 先由舊日各團正副團總負責按戶出丁以刀矛土槍  
為器械注意巡更守夜盤查匪類維持社會安寧

整頓情形

按舊日七區制各區置區長一人擇適中地方設一區  
公所所各設佐理一人事務員一人各村輪流派甲長一人  
甲丁三人練習辦公改舊日團總為村長每百戶置村長一  
人每五十戶置排長一人每十戶置甲長一人實行連保之  
法按戶各出壯丁一人由區節制不時訓練俾聲氣相通守  
望相助而形迹可疑素行不正者無所隱匿又於縣府內設

民團督察處七區各置督察員一人以資聯絡督察長由中  
區督察員兼任其處長則縣長兼之



社會事業

勞工 全縣人民業農者十之八歲晚務閒多肩挑貿易亦有  
為人傭工及採樵之事其業工商者僅百分之十五亦不過  
銅鐵等之手工零星投機之交易而已而大規模之工業大  
資本之企業無聞焉女則紡織而外均操井臼中饋或兼助  
耕耘蓋地瘠民貧生計艱難以故終歲勞苦不敢少休

養老 前清由國家正供項下額撥孤貧銀二百七十二元一

角八分謂之孤貧糧年分兩季按名給發現調查戶口方畢  
擬再增籌的款若干並確查民人年在八十歲以上貧無依  
歸者無論男女月給糧若干以資養老而示優異

殘廢 前由建設局呈請設立殘廢老幼院暫時先以舊日孤



貧銀一項為的款再行陸續籌款擴充業經縣政府批准積極進行

育幼 前清時舊有育嬰堂一所由地方各慈善家隨時集資合辦自光緒三年後因旱荒停辦地址房舍頽圯甚多連年又為軍隊築作操場於是慈善遺跡毀廢無存民國十七年建設局原呈案內又請附設孤兒院於殘廢老幼院內亦經批准現正積極籌備將來女校成立并擬附設幼稚園於女校濟貧 前清之養濟院與育嬰堂同設於治城西街路南自停辦後地址房屋早已破壞不堪民國十四年又經駐軍王雨亭改為操場於是養濟院之遺跡遂湮

前清縣城內設有義倉二處常平倉三處四鄉共設有義倉

七處豐年積蓄麥穀莞豆雜糧荒年散給貧民頗稱便利軍興以來城內各倉糧食軍用無存雖屢經官紳設法籌填而隨填隨用無可如何至於四鄉倉址半為匪軍所毀

前清每年冬季由縣臨時籌款開辦粥廠三箇月改革以來因軍事騷擾未能舉行十七年奉令開辦粥廠現正積極籌備已於十八年一月一日開辦治城粥廠一處額三千名並籌備於六區分設粥廠各以一千名為限

救災 屬縣向無永久機關每遇水旱偏災隨時籌設救災會或賑濟局災甚則四鄉各設分局總以救濟貧民為宗旨事竣即止十七年奉令先設賑災會嗣改為救災會又改為賑務分會並於各區分設支會六處十八年奉令設立平糶局



及救濟院惟平糶局於事竣後即行裁撤

醫院 民國十年設有紅十字會醫院專收軍界病傷十四年後因兵匪交迫停辦十七年又由商人組織宏濟醫院旋因旱荒停辦現縣政府設法組織民衆醫院並於救濟院內附設施診所民間亦設有惠邨醫院

牛痘局 十三年由楊前縣長會同熱心士紳捐資設立十四年三月因軍興停辦連年兵匪交迫來暇議惟款項無幾僅有的款數十元由原經理人負責現於救濟院內已附設施種牛痘所矣

天足會 自前清宣統三年設立至民國以來屢奉嚴令督催士紳之家頗多興起雖下流社會亦間有忸於故習屢戒不悛

者然一般平民悉知天足之便利矣連年兵匪頻仍頗生滯礙十七年後季時局既定奉令設立放足分處督催主任調查各員分赴各鄉區調查講演依限實行成效頗著

其他事項 由縣府組織清潔衛生隊附設於公安局內縣長躬親督率並會同公安局在各街灑掃街道又督飭各商民每日早晚灑掃街道二次夏令則嚴禁販賣饅食敗肉及不潔不時未熟之果品以重衛生又設剪髮隊附於公安局內於會集之期由縣長或公安局率領分向城鄉各處督剪髮辦且勸導之並講演放足之利纏足之害以及植樹修路各事



關於計政時期之新建設

本年度以前之新建設

縣政府及各機關學校等均設總理紀念室以資瞻仰

改組教育局公安局財務局以輔縣政府之行政

創立建設局

曾設國民黨籌備處現暫停活動

改良看守所屋宇牆壁門窗使窗牖通風光線充足空氣新

鮮以重獄政

修理教育局

擴充公民局改修門面以壯觀瞻

修理建設局



修理縣立中學校

改修第一高小房舍

改組森林苗圃並擴充之

試辦農棉試驗場

改修縣城四街道路並石砌南街中街

修理韓城大荔南北往來之汽車路線

改修舊尊經閣為總理紀念室

改縣政府舊大堂為中山俱樂部並刷新之

設立公共體育場於縣政府東偏

於縣政府西偏附設民眾招待處以期與民眾接近

設民眾閱報處於縣政府西邊以普及知識

成立農村自治籌備處以謀農人之利益

改革縣政府行政司法一切陋規

豎立革命精神碑

豎立四至界碑

於縣政府前豎立 馮總司令警語新式紀念碑

設立放足分處以強迫婦女放足

於縣政府暨各機關及四城門各城牆均擇書標語並繪寫

意圖畫以資觀感而助宣傳

附設平民學校於教育局及建設局內以救失學兒童

改舊日平民教育委員會為民眾教育委員會以促進教育

設立採訪局以編集新志材料及其他應行邏輯各事



改縣治東大街為中山大街以資紀念  
設中山市場於城隍廟內以振興商務  
籌設救濟院  
籌設孤兒院  
籌辦粥廠以工代賑擇食粥兒童之已達學齡者分班編級  
授以相當之知識並於六區分設之  
設立平民澡塘  
輔助民衆設立拒毒會以驅除痼習  
成立模範新農村  
本年度以後之計畫  
組織自治委員會

劃分鄉鎮區域成立鄉鎮公所  
劃分村之區域成立村公所  
籌備新農村組織法  
籌辦保甲  
籌辦平民工廠  
擴充苗圃  
籌設區苗圃  
籌設鄉村苗圃  
擴充農棉試驗場  
擴充蠶業傳習所  
籌設鄉村農棉試驗場



籌辦育嬰堂

籌辦通俗閱報所

籌辦重修各鎮道路

籌備金水溝另開平坡辦法

籌備幼穉園

籌設女子職業傳習所

設立反日運動會以喚起民愛國之心

本年度之新建設

成立縣政會議

於縣政府西花廳設立新政講演堂由縣長於來復日招集  
各界講演三民主義

成立民衆公園

於公園內豎立孔子大同思想新式紀念碑

由縣政府各科組織政治宣傳隊

於縣政府設立政務委員會以商要政

劃分各區成立各區公所

於公安局附設清潔衛生隊由縣政府督率之

組織剪髮隊每逢城鄉集會之期督率實行剪髮以祛惡習

取締幼女穿耳

籌集賑款維持粥廠以穿成救濟之目的

組織新劇團每逢紀念日期編演新劇化妝講演以資興感

其藝員即利用食粥之無業兒童學習充之



利用食粥工人組織工程隊繕修公廨及公共工作  
利用工程隊重修四街及附城馬路而寬大之  
設立平民蠶業傳習所

去年及本年於植樹節時開植樹運動大會於治城各街巷  
通植樹木使民衆認識種樹利益並於附城及各鄉分別  
遣人實行勸導以資提倡惜連年所植因荒旱多有稿斃  
者今已如數補植矣

設立菜市

設立炭市

設立屠獸場

舊有賑災會旋改為救災會今改組為賑務會又於各區分

### 設賑務支會

籌設養老院

籌設殘廢老幼院

成立施種牛痘所

成立施診所以上四事均附設於救濟院內以節糜費

繕補縣政府左右破壞房屋

改修縣政府新式大門

補修城牆

補修關岳廟

調查戶口切實清鄉

調查寺廟保護公產



屢開國貨運動會以抵制外貨  
 取締僧道星相選卜之人令改營別業  
 改良官廁所並添設多處  
 改良小便池

新志材料勘課表

頁數	行數	數字	字數	誤	正	附記
一	五	一	八	子	孫	
五	三	一	八	界字下	脫充字	
一〇	一二	六	三十		二十	
又		一〇	四十		三十	
一二	六	四	軒		卿	
一三	一五	一	三人		又	
一四	二	一	九岡字下		脫有碑	
又	一五		七心字下		脫點字	
又	一八		三寺字下		脫在縣城西門內	
一五	一	一	四在字下		脫伏蒙村	



三四	又	五一	五〇	四九	又	四八	又	四十	三三	三一	三〇
八	五	四	二二	五二	五	二〇	四一	五	五	五	五
四	六	六	九	二	三	五	九	二	五	一	一
巡字下	奉	境	局	縣字下	故為	宣字下	元	面	繁	天社火	九
晚	道	季	區	晚	晚	晚	九	繁	八	天下射虎	八
警字				議字		統年					
					二字重複						

又	二七	又	二六	二四	二〇	一九	又	一七	又	一六	又	文
一七	五	一四	四	六	〇	二	七	四	一〇	九	二	二
九	一	二	九	七	八	一	五	一	七	二	七	七
沸	三	〇	治	以	南字下	酉字下	在字下	壽	仙字下	廟字下	東字下	南字
佛	晚	晚	陷	一	晚	晚	晚	聖	晚	晚	晚	晚
	美	牛筋馬耳			三字	立字	同家庄		橋字	俱字		
	棉											
						下八碑同						



又	六	六	又	六	又	五	又	五
二	三	二	一	〇	二	八	一	
二	九	八	三	〇	二	八	五	七
一	一	一			一	一		
九	一	二	七	五	四	七	四	四
務字下	穿	氏字下	房	氏	會字下	譏字下	先	併
脱分字	完	脱眾字	校	安		脱及字		復
					多亦字		多先字	



